



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Canones.

urn:nbn:de:hbz:466:1-15072

præsente vel presbyteris vrbis ipsius, offerre non possunt, nec panem sanctificatum dare, calicemque porrigere. Si vero absentes hi fuerint, & ad dandam orationem vocentur, soli dare debebunt. Chorepiscopi quoque ad exemplum quidem & formam Septuaginta videntur esse: vt comministri autem, propter studium quod erga pauperes exhibent, honorentur.

ANNO
CHRISTI
314.

XIV.

^h Diaconi septem debent esse iuxta regulam, licet & valde magna sit ciuitas. Idipsum autem & Actuum Apostolorum liber insinuat.

Ad. 6.

C A N O N E S
CONCILII NEOCÆSARENSIS.

Ex interpretatione Isidori Mercatoris.

TITVLI CANONVM.

- | | |
|--|--|
| I. De presbyteris, quod uxorem ducere non debeant. | VIII. Vxoris adultera virum, clericum fieri non debere. |
| II. De muliere, duobus fratribus nubere non licere. | IX. De presbyteris corporali peccato praecipatis. |
| III. De his qui multis nuptiis communicauerunt. | X. De diaconibus corporali peccato praecipatis. |
| IV. De concupiscentia non consummata. | XI. De presbytero minus triginta annorum minime ordinando. |
| V. De catechumenis peccantibus. | XII. De his qui in egritudine sunt baptizati. |
| VI. De pregnantibus baptizandis. | XIII. De presbyteris alterius regionis. |
| VII. Presbyteros in secundis nuptiis non debere orare. | XIV. De diaconibus septem. |

C A N O N E S.

I.

PRESBYTER si vxorem duxerit, ab ordine suo illum deponi debere. Quod si fornicatus

ANNO
CHRISTI
314
fuerit, vel adulterium commiserit, extra Ecclesiam
abiiciatur, & pœnitentiam inter laicos redactus a-
gat.

I I.

Mulier si duobus nupserit fratribus, abiiciatur
vsque ad diem mortis. Sed propter humanitatem
in extremis suis sacramentis reconciliari oportet;
ita tamen, vt si forte sanitatem recuperauerit, ma-
trimonio soluto, ad pœnitentiam admittatur.
Quod si defuncta fuerit mulier in huiusmodi con-
fortio constituta, difficilis erit pœnitentia rema-
nenti. Qua sententia tam viri quam mulieres teneri
debebunt.

I I I.

De his qui frequenter vxores ducunt, & de his
quæ sæpius nubunt, tempus quidem pœnitentiæ,
quod his constitutum, obseruabunt: sed conuer-
satio & fides eorum tempus abbreviabit.

I V.

Si quis concupita muliere, etiam concubitus e-
ius desiderium habeat, non autem subsequatur ef-
fectus: manifestum est, hunc fuisse per diuinam
gratiam liberatum.

V.

Catechumenus, id est, audiens qui ingreditur
Ecclesiam, & stat cum catechumenis, si peccare
fuerit visus, figens genua, audiat verbum, vt se ab-
tineat ab illo peccato, quod fecit: quod si in eo
perdurat, abiici omnino debet.

V I.

De prægnantibus, quod oportet eas baptizari

quando volunt. Nihil enim in hoc sacramento commune est parituræ, & illi qui de eius utero fuerit editus; quia vniuscuiusque in illa confessione libertas arbitrii declaratur.

VII.

Presbyterum conuiuio secundarum nuptiarum interesse non debere, maxime cum præcipiatur, secundis nuptiis pœnitentiam tribuere. Quis ergo erit presbyter, qui propter conuiuium illis consentiat nuptiis?

VIII.

Si cuius vxorem adulterium commisisse, cum esset laicus, fuerit comprobatum, hic ad ministerium Ecclesiasticum admitti penitus non debet. Quod si in clericatu iam constituto eo, adulterauit, dato repudio dimittere eam debet. Si vero retinere eius consortium velit, non potest suscepto ministerio perfrui.

IX.

Qui admiserit corporale peccatum, & hic postea presbyter ordinatus est, si confessus fuerit quod ante ordinationem suam peccauerit, non quidem offerat; maneat tamen in aliis officiis, propter eius studii vtilitatem. Nam cetera peccata censuerunt plurimi etiam ordinatione priuari. Quod si de his non fuerit confessus, nec ab aliquo potest manifeste conuinci; huic ipsi de se potestas est permitenda.

X.

Similiter & diaconus, si in eodem culpæ genere fuerit inuolutus, sese a ministerio cohibeat.

XI.

XI.

Presbyter ante triginta annorum ætatem non ordinetur, quamuis sit probabilis vitæ, sed obseruet vsque ad præfinitum tempus. Dominus enim noster Iesus Christus trigesimo anno baptizatus est, & tunc prædicauit.

XII.

Si quis in ægritudine constitutus fuerit baptizatus, presbyter ordinari non debet. Non enim fides illius voluntaria, sed ex necessitate est: nisi forte postea ipsius studium & fides probabilis fuerit, aut hominum raritas cogat.

XIII.

Presbyteri qui conregionales sunt, in Ecclesia præsentibus Episcopis vel presbyteris ciuitatis, offerre non possunt, nec dare panem sanctificatum, nec calicem porrigere. Quod si absentes sint ciuitatis sacerdotes, & fuerint inuitati ad dandam orationem, soli poterunt dare. Vicarii autem Episcoporum, quos Græci Chorepiscopos vocant, constituti sunt quidem ad exemplum septuaginta seniorum; sed tamquam consacerdotes propter sollicitudinem & studium, quod in pauperes agunt, offerant, & honorabiles habeantur.

XIV.

Diaconi septem esse debent secundum regulam, quamuis magna sit ciuitas: cui regulæ auctoritas erit liber Actuum Apostolorum.